



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

891-99-82 8

87

1-2

ԱՐՇԱԼՈՅՍ

Գրական, Գեղարվեստական և Քննադատական

ԺՈՂՈՎԱԾՈՒ

Խմբագրեց՝

Նրուանդ Սաղոյեան

ԹԻՖԼԻՍ

Տպարան «ԷՊՕԽՆ» ժուղ. պեր № 3.

1915 թ.

ԳԻՐԲ I

2000

■ JUN 2010

Արձանագրութիւն ընդհանուր
հետ զարմարի ի Պալատ Գեղարքունիքի

91.99-82
2-92

ԱՐՁԱՆՈՅՍ

Գրական, Գեղարքունիական
եւ Բննադատական

ժողովածու.

Գիրք I.



Խմբագրեց

Նրումնդ Սաղոյեան

ԹԻՖԼԻՍ

Տպարան «Էպոխա» Մուզ. փ. № 8.

1915

100
7438

(4564)

6905/11h

ՀԱՅՐԵՆԻՔԻՍ

Էլ չեմ երգի սուգ ու տանջանք, հայրենիք,
 Հառաչանքդ անցած արիւն օրերի,
 Որ քո սրտում չըդրոշմուի սեւ կնիք,
 Վշտի կնիք, մի նոր գալիք ցաւերի...:

Վերածնուի՛ր, թէեւ շուրջդ կիսաւե՛ր,
 Բայց ամպերը չկան գլխիդ կուտակուած.
 Քեզ են գալիս, օ՛, տեսնո՞ւմ ես այն խմբեր՝
 Որդիքդ են քո հեռուից գալիս կարօտա՛ծ...:

Վերցրո՛ւ քօղը քո սգաւոր աչքերէն,
 Արշալո՛յսի շողքերն ընկան Մասիսին.
 Քո որդիքդ արցիւնքներդ կրարձէն,
 Կը զարդարեն քեզ վարդերով մայիսին:

Վերածնուի՛ր սի՛րտ առ նորից ու հրճուի՛ր,
 Մենք պիտ՛ ապրին՛ք, պիտի ապրինք քո գրկում.
 Ասպարէզդ բաց է, էլ մի՛ ընկճուիր,
 Վերածնուի՛ր, կանգնի՛ր կեանքի նոր շէմքում...:

Ու ժպտա՛ մեզ ժպտա՛ մի նոր ժրպիտով,
 Ինչպէս մայրը իւր հարսագատ գաւակին.
 Կ'ուզենք ապրե՛լ քեզ հետ ոսկէ՛ յոյսերով,
 Ու մոռանալ մեր անցեալը ցաւազին...:

Էլ չեմ երգի սուգ ու տանջանք հայրենիք,
 Հառաչանքդ անցած արիւն օրերի,
 Որ քո սրտում չըդրոշմուի սեւ կնիք,
 Վշտի կնիք, մի նոր գալիք ցաւերի...:

Գագիկ Մխիթարեան.

Բոստոնի ԴՊՎ:

ԱՆՑԵԱԼ ՅՈՒՇԵՐԻՑ

(Նուէր օր. Ռ-ին)

Գարուն էր. կեանքիս գարունն էր:

Առաջ էի լողում անյայտութեան գրկում, որոնումների ծովում: Կեանքի ովկիանումն էի, և կեանքն իմ մէջն էր:

Ներսս մի ամբողջ ովկիան էր փոթորկում: Հոգիս ինչ որ հէքիաթական թևերով հեռուններն էր սլանում՝ դէպի վեր, դէպի մի հէքիաթական աշխարհ, ուր միայն ծաղիկների բոյրը, թռչունների դայլայլը և երջանկութիւնն է տիրում: Նա սէր էր որոնում, մի վսեմ սէր, և անվերջ թափառում էր, փոթորկում:

Ես շատ էի սիրում ծովը

Որքան հրաշալի է այդ, ռրքան, խոր, անծայրածիր. ժամերով խորասուզվուած նրա անհուն յատակը, դիտում էի պայծառ աստղերի արտացոլումը, խօլ ալիքների պարը, լսում էի քամու փսփսուկը:

Այդ ժամերին մոռացած ամեն ինչ, ես ինձ՝ ձուլուած էի զգում անհունութեան հետ և ապրում անվերջ .. Ա՛խ, ռրքամ լաւ էին այդ ժամերը, բայց և որքան տանջալից....:

Այդ ժամերին ես երազում էի՝ յոգնած և մտատանջ գլուխս դնել մի կրծքի վրայ, որ ծովի անհունութիւնն ունենար և աստղերի պայծառութիւնը:

Եւ անվերջ որոնում էի այդ սիրտը, երազում, ստեղծում...

Ու խոր երազներիցս արթնանալով, սև քօղով պատած տուն էի վերադառնում:

Եւ այսպէս ամեն օր:

Կիրակի էր: Կրկին եկայ ծովափ:

Այս անգամ ծովն աւելի գեղեցիկ էր թվում, աւելի խորը, անծայրածիր....:

Ոսկեշող Արեգն իջել էր անհունութեան գիրկը և ալիքներին փարուած՝ ժպտադէմ առաջ էի լողում ..:

Ո՛րքան գրաւիչ ու նախանձելի էր բնութիւնն իր գեղեցկութեամբ ու անդորրութեամբ և ռրքան փոթորկալից էր նրա հանդէպ հողիս: Չգիտեմ, ռրքան ժամանակ կը լինէր ինչ խորասուզուել էի երազներիս մէջ, երբ գլուխս բարձրացրի — Աստուած իմ այն ի՞նչ էր դիմացս մի կատարեալ հրեշտակ էր կանգնած — բարձրահասակ, քնքուշ, գեղեցկադէմ: Ճկուն իրանը ամբողջապէս սպիտակ քօղով էր պատած, գլուխը զարդարուն ոսկեհուր մազերով, որ կարծես մրցում էին նազանքներով ծփող ալիքների և Արեգի շողերի հետ...:

Ոսկեշող գանգուրների տակ երկու խորութիւններ էին նկատ-
վում, լի մեղմ թախիծով:

Ո՛րքան քնքուշ, ջերմ ու շոյող էր այդ հայեացքը:

Միրտա թնդաց, աչքերս քարացան և մնացին սևեռած

Յանկարծ նա շարժուեց և լոյսի պայծառ շողերով ողողուած
անհունութեան վրայով իբրև մի շող եկաւ անցաւ մօտվս, ու
հեռացաւ:

Մի քանի վայրկեսն ևս՝ և նա էլ չկար. ես կրկին մենակ էի
խօյ մտքերիս, վառ երազներիս հետ:

Անցան տարիներ: Բայց այդ երազս այլ ևս չկրկնուեց:

Չմեռ էր: Մի երեկոյ կրկին խորասուզուել էի ծովի ան-
հունութիւնը Աստղերը նորից ցոլացին անհունութեան գրկում:
Ուղիղ հայեացքիս տակ, կապոյտ ովկիանում մի սպիտակ գունդ էր
նկատուում որ հետզհետէ պարզուեց .. Ո՛, Տէր իմ այդ իմ
պատկերս էր: Հապա թնչ էր այն սպիտակը գլխիս վրայ: Ես
սոսկացի, ձեռքս տարայ դէպի գլուխս և գանգուրներիցս պոկեցի
մի փունջ: Նրանք ճերմա՛լ էին, որպէս ձիւն... Աստուած իմ
այդ իմ կեանքիս ձմեռն էր:

Չմեռ էր նաև շուրջս:

Բայց ներսս-հոգիս...

Օ՛, ո՛չ... նա կրկին հրավառ էր: Նա կրկին ծովափ էր ձրգ-
տում և որոնում այն սիրտը, որ ծովի խորութիւնն ու անսահմա-
նութիւնն ունենայ և Արևի ջերմութիւնն ու պայծառութիւնը:

Արեօք կը գտնի՛:

Ժայռ.

Թիֆլիզ.



ԶԷ ԶԷ ՆԱ ԶԷՐ

Սեւ-սեւ ասէր...

Զէ՛ չէ՞ նա չէր.

Ինչո՞ւ պատահեմ զգացի...

Մտի քրքիւ,

Սէր ու գրգիռ՝

Ինչո՞ւ նորէն զարթնեցիմ:

Վճիռ ասեր

ինձ կը կանչէր,

Մտիս քախիծ փարատէր...

Զէ՛, չէ՛ նա չէր,

Ուր կը կանչէր

Իմ սիրաձու յարատել:

Տելեմար Տէր Յարութիւնեան:

Թիֆլիզ.



ԻՄ ԱՍՏՈՒԱԾՈՒՀԻՆ

(Արարքսիային)

...Դու իմ աստուծուհին ես...

Այն օրը Ուխտագոսի կատարը բոցավառուել էր երկնային հրով: Աստուածները կուտակուած ամպերի միջից շանթեր էին արձակում, կայծակահարում էին գեղեցկութիւնը... Դեռ կրակը չէր հասել օտարականը, երբ ես թաւուտների միջից լսեցի մի խուլ հեծկլտոց.

— Ե՛կ, տար ի՛նձ...

— Ո՞վ ես դու:

— Աստուածային ծնո՞ւնդ...

— Դու յաւերժահարս ես...

— Դու մի անձր ես... Դու չքնանդ ես... Դու թագուհին ես գեղեցկութեան... Դու կեանք ես մարդ կոչուածների... Ա՛հ, գրկաբաց Քեզ մօտ եմ գալիս իմ աստուածուհի, արի մենք հովի թևերով թռչենք դէպի մորկսուպատ ծովի ամպածուփ եթերը, սաւառնենք մրրիկներում, սաւառնենք հեռու աստուածների անյաղթ բարկութիւնից, երկրպագենք միմիայն Պոսէյդոնին և ապրենք նրա կապուտակ թևերի տակ...

Ն. Հայկազունի.

Թիֆլիզ

*
* *

(Նուէր Նասիբեաններին)

Նոր օր է բացվում, նայի՛ր իմ եղբայր,
Թէպէս մեր գլխին կրակ է ու բոց,
Բայց շուտով պիտի այն հեռում սլայծառ
Ցոյան օդերը գարնան ոսկեգօծ:
Դէ՛, յառա՛ջ, ե՛ղբայր, յառա՛ջ անվեհեր
Դէպ այն յուսածին հեռուն անձկալի.
Խորակենք շուտով մեր կուռ օղբաներ
Ու դիմենք մի նոր եւ ազաւ կեանքի:

* *

Ո՛վ դու, վիրաւօր, չարասանց քամի,
Լալիս ես դարեւ ցաւերով լցուած,
Բայց ոչ-ոք չկայ, որ երգի լսի
Ու դարման անէ սրտիդ խոտանգած:
Եւ դու, իմ խեղճ ազգ քամու պէս աճուան,
Հեծծում ես դարեւ վիճակդ չարքաօ,
Բայց ամբողջ աօխարհ անփոյթ է նայում
Ու դարման չկայ դարդիդ եղբմաւ:

Ս. Ղալաշեան.

ԹԻՖԼԻՉ.

ԵԿՈՒՐ ՀՈՅ ԵԿՈՒՐ...

(Մուէր օրիորդ Դուսիկին).

* *

Եկուր հոս եկուր, ոյս ծիծղուն ծովալի ափին նստինք ու
իրար հետ խօսինք, հոս միայն, այս խաղաղ վայրի կրծքին կըր-
նանք մեր կորուսեալ հանգիստը գտնել... Ականջէ, թէ ինչպէս
ծովակին կայտառ կոհակները սէր կը մըմնջեն...:

* *

Այս ծովալի ծիծղուն ափին շշնջանք իրար սիրոյ բառեր և
անսանք անոր դիւրագրգիռ ալիքներու անուշ ելևէջներուն... Ձե-
փուր մեզի թող համբուրէ քնքշօրէն և տանելով մեզի իրեն ա-
րագաթռիչ թևերուն վրան դէպի հեռու անձանօթներ ու ամեն
մէկին թող պատմէ՝ թէ ինչպէս գորովալի կը սիրենք իրար...
Ականջէ, թէ ինչպէս գեփիւոր սէր կը շնչէ...

* *

Եկուր, հոս եկուր, խորասուզուինք այս խաղաղ ջրերու խոր-
քը, ուր գոյութեան պայքարն է, ուր կռիւր մահու գէմ կաշխատի
անոր գոյութիւնը հերքել... Լսէ, թէ ինչպէս ջրերու յոյզը տհն-
գասարսուռ սէր էր յուզեն...

* *

Եկուր նստինք այս սաղարթափիտ ծառին տակ ու լսենք
կարապին վերջին երգը... սակայն պէտք է որ մենք ալ երգենք
մեր աստուածային սիրոյ անդրանիկ երգը... Հոտտէ, թէ ինչպէս
վառ ծաղկունք սէր կը բուրեն...

* *

Դիտէ փառապանծ լեռներու թագաւորութիւնը և տես թէ,
ինչպէս անոնց կասարները կը լողան վճիտ ջրերուն մէջ՝ կարծեօք
սիրահուն բուրալից ծոցին մէջ կը լողան... Լսէ, թէ ինչպէս ա-
րագահոս լեռնային առուակը սէր կը մըմնջէ...

*
*
*

Եկուր, հոս եկուր, դիտէ լազուարթ երկնակամարը և ցոլա-
շող լուսինը, որ մեզի կ'ուզէ պատմել սիրոյ հեքիաթներ ու ան-
թառամ պատմութեանքներ... տես, թէ ինչպէս լուսինը պայծառ սէր
կը ցայտէ..

Եկուր, հոս եկուր...

Յար. Յարութիւնեան.

Նար-Նախիջեւան:

ԻՆՉՈ՞Ւ ԵՏ ՆԱՅԵՄ.

Հեռո՞ւ, անսահման անհունի ծայրից
Արեգն է ժպտում սրտիս յոյսերով,
Հազուր կապոյտի գաղտնալի գրկից
Անթիւ աչեր են ցոլում յոյզերով:

Ողջ էութիւնս դարձած հուր-հնոց,
Առաջ է սլանում շանթ որոտի պէս,
Սլանում է դէպ անյայտ եղեմ ծոց,
Ըմպելու հիւթը ծաղկունքից պէս-պէս:

Եւ իղծերս անվերջ անթիւ, անհամար,
Որպէս սրարշաւ կատաղի մի հողմ,
Առաջ են անցնում ճամբով ոսկեվառ,
Կենսաւծոր վարդեր սիտում ամեն կողմ:

Անտես ու անյայտ ճամբիս բեւեռից
Արեգն է ժպտում յուսալից դէմքով,
Ամպշող երկնքի փիրուզեայ կրծքից
Աստղեր են ցոլում հոգուս քնքշանքով:

Ցոլացէ՛ք Աստղեր թո՛ղ ձեզնով դիւթուեմ,
Սրտիս ծայրերը լցուին հուր բոցով.
Ի՞նչ կայ անցեալում, ինչո՞ւ ետ նայեմ,
Ուզում եմ սլանալ կեանքի հնոցով:

Էմիլիա Նազարեանց

Թիֆլիզ

ԱՂՍԹՈՂ ԹԱՄԱՐԸ

(ՊՕԷՄ).

Սիւնեաց լեռների գեղանի ծոցում,
 Անդորր ու խաղաղ բարձր ամրոցում,
 Նազելի դուստրը իր հօրը փարուած
 Լսում էր հայոց պատմութիւնն անցած:
 Պատմում էր հայրը Վասակի մասին,
 Որ թագի համար ուրացաւ ազգին.
 Նա յիշեց նաև այն քահանային,
 Որ ոսկու փայլից վաճառեց Անին:
 Իշխանը լռեց ու սրտի խորքում
 Զգաց հայ ազգի կորուստն ողբալի.
 Թամարը նայեց հօր մոայլ դէմքին,
 Ուզեց փարատել վիշտը անմեկին
 Փարուեց ալեգարդ ծերունու կրծքին
 Ու համբուրելով ասաց իշխանին.
 — Հայրիկ, տեսնում եմ այն իշխաններին,
 Որ փառքի համար ուրացան ազգին,
 Բայց նրանց հոգիքն ընկած խաւարում,
 Զեռները մեկնած՝ գութ են աղերսում:
 Հայր ես սիրում եմ մարդկանց բոլորին,
 Նոյնիսկ մարդասպան ոճրագործներին.
 Երգվում եմ, հայրիկ, կը քաւեմ սիրով,
 Նրանց յանցանքը իմ ջերմ աղօթքով:
 Հայրը գորովով գրկեց Թամարին,
 Սեղմեց դստերը իր յուզուած կրծքին.
 — Ապրես, աղջիկս, դիմիր աղօթքին.
 Դու լաւ ես խօսում, տայ Աստուած բարին:
 Անցան տարիներ: Ամրոցը նոյնն է,
 Բայց այժմ նա չարութեան բոյն է.
 Բռնակալ բէկը ամրոց է մտել,
 Ծերուկ իշխանին տանջել, սպանել,
 Իսկ իր կրօնին միշտ հաւատարիմ,
 Սիրուն Թամարին կապել է ծառին,
 Ու ստիպում է Իսլամն ընդունել
 Կամ սպառնում է կրակով այրել:
 Թամարը լուռ է:
 Կարծես չի տեսնում բռնակալ բէկին.
 Նա աչքերն յառած անհուն բարձրունքին
 Լուռ աղօթում է:

Աղօթքն աւարտեց ու ասաց բէկին.
 — Բէկ, չեմ ուրանալ հաւատն իմ ազգին.
 Բորբոքիւր կրակը, ես աղօթեցի,
 Քո մեղքի համար ներում խնդրեցի:
 Բէկը գունատուեց:
 Իր մեղքի համար մի հայի աղջիկ
 Ներում է խնդրել,
 Որին հէնց այժմ նա պատրաստվում է
 Կրակով այրել:
 Ծառը վառուեց.
 Թամարը անընդատ երկինք էր նայում,
 Աստուած էր կանչում ու լուռ աղօթում.

Ս. Աղեկեան

ԹԻՓԼԻԳ.



ԱՅՍՏԵՂ ԹԷ ԱՅՆՏԵՂ.

Ամեն օր արցունք, ամեն օր զանգատ
 Ու չկայ մի այլ թովիչ ճանապարհ,
 Մարում է կեանքը, որ իբրեւ հէքիաթ,
 Տուած է քնքուշ վայելքի համար:

Ու տառապանքի դաժան ծմեռում
 Մարում են, մեռնում երազները բիւր,
 Բաղդը չարախինդ ցանցեր է լարում
 Կորզելու եւ կեանք, եւ ցնորք եւ բոյր:

Ներկան տանջանքի խորշակին տուած,
 Զուր է երազել գալիքի համար.
 Դաւաճանում են ընկեր ու Աստուած
 Մնում ես անգօր ու լոռւմ յիմար:

Այն ինչ, մի ուրիշ լուսազարդ սփում
 Այլ ժպիտներ կան ու սրտերը այլ
 Գգանքներով են անտեղ միշտ հարբում
 Եւ կեանքը այլ է, կեանքը ոսկեփայլ:

Եւ այդ հեռաւոր կեանքին ես գերի,
 Տանջվում եմ անվերջ, քառում եմ անմեղ,
 Արդեօք ո՞ւր պէտք է մահը ինձ բերի
 Յաւերժական քուն-այստե՞ղ թէ այնտեղ:

Համբ. Մազմանեան.

ԹԻՓԼԻԳ



ԱՄԱՌԱՆՈՑՈՒՄ

Երկու ամիս ամառանոցում կիսաձանձրալի անցկացնելուց յետոյ անակնկալ այգում ծանօթացայ օր. Լուսիկին: Մի քանի անգամ, նոյն այգում, միասին զբօսնելով (ինչպէս սովորաբար լինում է նման դէպքերում), բաւականին մօտեցանք: Պարզուեց, որ նրա համար ևս ձանձրալի է եղել գիւղում և ցանկութիւն է ունեցել մօտենալ մէկին: Մի խօսքով արդէն բաւականին մօտեցել էինք և անընդհատ խօսում էինք (կարծես 2 ամիս լուռ մնալու վըրէժը լուծելու համար) և այդպիսով աւելի մտերմանում:

Այժմ մեր հանդիպումը երկուսիս համար էլ մի տեսակ անհրաժեշտութիւն էր դարձել:

Առաւօտները զբօսնում էինք դաշտում, գետափում, իսկ երեկոնները՝ այգում, մեր կամ Լուսիկենց պարտիզում, երբեմն էլ գնում ուտօնդ:

Մեր ծանօթութիւնից արդէն մի ամիս էր անցել:

Յուլիսի վերջերին՝ մի շոք օր էր: Առաւօտուանից Լուսիկին չէի հանդիպել: Վճռեցի սպասել, հակառակ դէպքում գնալ նրա մօտ:

Արևն արդէն թէքվում էր, բայց նա դեռ չկար: Սպասելն այլ ևս աւելորդ էր:

Գնացի: Տանը չէր:

Իմ հարցին, թէ ո՞ւր է Լուսիկը—, տատը պատասխանեց:

—Պարտիզում:

Իսկոյն գնացի պարտէզ:

Հետաքրքրութիւնս շարժուել էր: Ինչո՞ւ չեկաւ ինձ մօտ, ինչո՞ւ այժմ մենակ է պարտիզում, գուցէ մենակ չէ...

Ահա այդ հարցերն էին զբաղեցնում ինձ: Սպասում էի նրան գտնել պարտիզի մի խուլ անկիւնում, որ նա շատ էր սիրում, և հանդարտ առաջ էի գնում: Ծառերի արանքից դեռ ևս նկատվում էին հեռու հորիզոնում մարող արևի վերջին ճառագայթները: Երբեմն-երբեմն լսվում էր թռչունների ծլվլոցը, տերևների խշշոցը, առուի քչքչոցը: Հասել էի պարտէզի կենտրոնին, որ ամբողջովին շրջապատուած էր անոյշաբոյր ծաղիկներով: Ո՞րքան հրաշալի են գրանք: Անվերջ շնչում ես նրանց անուշ բոյրը, հիանում տեսքով և չես կշտանում...

Հոգեգմայլ առաջ էի գնում, հրբ հեռուից նկատեցի Լուսիկին:

Նա ծաղիկներ էր հոտոտում և երբեմն էլ փնջում: Կանգ առայ և հեռուից սկսեցի դիտել նրա դէմքը, այնտեղ կարդալ նրա

ներքինը, նրա տրամադրութիւնը: Այդ օրը նա բաւականին գու-
նատ էր: Ճակատին մի գիծ էր ակօսվում, որ ներքին վրդովմուն-
քի նշան էր:

Այո, նրա ներքինում ինչ-որ կատարվում էր: Երբեմն եր-
բեմն նա խորը ներշնչում էր ծաղկեփնջից, կարծես նրա բոյրով
լցնել էր ուզում ողջ հոգին:

Նա բաւականին մօտեցել էր ինձ, բայց դեռ չէր նկատել:

Ձայն տուր: գլուխը բարձրացրեց և զարմացած սկսեց դի-
տել ինձ (երևի չէր սպասում)

Նրա խորունկ, սևորակ, նշաձև աչիւրը լցուած էին թախիծով:
Հանդարտ և մի տեսակ զսպուած ձայնով ասաց.

— Շնորհակալ եմ, որ եկար, անչափ ուզում էի որ գայիր,
ուզում էի ինքս գալ, ուզում էի և մենակ լինել...

Կրկին հոտոտեց փունջը և մօտեցնելով ինձ, ասաց.

— Տես ճրքան պեղեցիկ է, հոտոտիր:

Ես կատարեցի նրա ցանկութիւնը, Դա մի թարմ, անուշա-
բոյր մանիշակի փունջ էր:

Լուռ էինք. բայց ես անչափ ուզում էի իմանալ նրա ներ-
քինը:

Վերջապէս չըհամբերեցի և ասացի.

— Ինչո՞ւ այսօր ուզում էիր գալ չեկար, ինչո՞ւ ես վրդով-
ած: Նա լուռ էր և անընդհատ հոտոտում էր մանիշակը, կարծես
ներքին վրդովմունքը պահելու համար:

Արդէն մօտեցել էինք նստարանին: Նա կանգ առաւ և ասաց.

— Նստենք:

Նստեցինք: Արեն արդէն դէմքը շրջել, գնացել էր իր շրջա-
նառութիւնը կատարելու: պարտիզում նկատվում էին գոյն զգոյն
ծաղիկների գլխիկները և երբեմն էլ լսվում թռչունների ծվլըլոցը:

— Ուղիղ երկու տարի առաջ, — այսպէս սկսեց Լուսիկը իր
պատմութիւնը.

— Եղբայրս, որ ուսանող էր, մի ընկերոջ հետ եկաւ մեզ մօտ:
Ընկերը մի բարձրահասակ, թխադէմ, բաւականին նիհար, խոր-
ունկ և թախծալի հայեացքով պարօն էր: նա լռակեաց էր և հա-
մեստ (որ պէտք է ասած հազուադիւտ է այժմեան երիտասարդների
մէջ): Մերոնք շատ լաւ էին ընդունում նրան (երևի հէնց այդ
յատկութիւնների համար). ես հետաքրքրվում էի նրանով: Ուզում
էի աւելի մօտիկից ճանաչել, տեսնել նրա ներքինը—: Այստեղ
նա կանգ առաւ խորը շնչեց, հոտոտեց ծաղկեփունջը և շարու-
նակեց.

-- Ամեն առաւօտ նրանք — եղբայրս և ընկերը — վաղ էին վեր
կենում և որսի էին գնում: Երեկոները այդի կամ ուտօնդ, բայց
աւելի յաճախ՝ գետոփ — լողանալու.

Յունիսեան մի հրաշալի առաւօտ էր...

Կրկին ընդհատեց լուռութիւնը Լուսիկը. կարմիր ու կատոյա

ամպակոյտերը դեռ նոր էին ցրուել անհունում և արևի ճառագայթները նոր էին լեռների գագաթները ոսկեզօծում:

Աղբիւրից դառնալիս՝ ճամբին հանդիպեցի եղբօրս և ընկերին: Նրանք գնում էին լուացուելու: Դէմքերին զարմանք նկատելով, յայտնեցի որ իրենց հետ որսի եմ գնալու: Եղբայրս ուրախացած ասաց.

— Այդ լաւ է, մեր պարօնին մի փոքր կուրախացնես:

Ժպտադէմ դարձայ Գուրգէնին (այդպէս էր նրա անունը) ասացի.

— Իթէ իրօք կարողանամ զուարճացնել, շատ ուրախ կըլինեմ, իսկ դուք էլ պ. Գուրգէն կօգնէք ինձ, այնպէս չէ:

— Կաշխատեմ— եղաւ նրա պատասխանը:

— Մի տաս ըռպէ անց՝ արդէն ճամբայ էինք ընկել: Արևը ոսկեշող վարսերը սփռել չորս կողմն շոյում էր դաշտերի կանաչը և համբոյրներ դրոշմում գոյն զգոյն ծաղիկներին: Աջ ու ձախ լեռների լանջերին մարմանդ ծփում էր ոսկէ ծովը: Երբեմն-երբեմն երևում էին գիւղացիների գունաւոր թաշկինակով փաթաթուած գլուխները և նորից անյայտանում: Լեռան լանջին էինք, որի յետևից սկսվում էր սնտառը: Հեռուից լսեցինք քիւրդ հովուի լօլօն, շների հաջոցը գառների մայունը: Ո՛րքան լաւ էր: Ամբողջ ճամբին Գուրգէնը համարեա լուռ էր, չհաշուած երբեմն-երբեմն արտասանած մի-մի նախադասութիւնը: Սարը անցնելու վրայ էինք, երբ եղբայրս դիմեց ինձ—

— Պաշտօնդ լաւ չես կատարում, յարգելի օրիորդ:

Ես ժպտադէմ նայեցի Գուրգէնին և ասացի.

— պ. Գուրգէնին լուռթիւնն աւելի է հաճելի, քան... ուզում էի ասել ինձ հետ խօսելը, բայց նրան չվիրաւորելու համար լռուեցի:

— Իզուր էք այպէս կարծում, հնչեց Գուրգէնի սլատասխանը.

Կծիկի՛ ծէրը բացուել էր— չէի ուզում կտրել, ուստի շարունակեցի

— Ձեր համառօտ նախադասութիւնը հէնց այդ է ապացուցում: Տիրեց մի անհամ լուռթիւն. Արդէն անտառի մէջ էինք: «Որսորդները» հրացանները վէր բերին ուսերից: Փոքրիկ Սևիկը (եղբօրս շնիկը) ականջները խլշած սպասում էր յարձակման: Ձոյգ հրացանները պայթեցին, և Սևիկն առաջ վազեց: Մի քանի ըռպէ անց՝ ետ եկաւ փոքրիկ լորը բերանին: Առաջին որսը եղբօրս տալով՝ գնաց երկրորդը բերելու (նա ևս գաղափար ունէր թուերից): Հրացանները կրկին պայթեցին և Սևիկն առաջ վազեց: Կէս ժամ անց՝ ես գնացի մօտակայ տեսարանը դիտելու, որ բաւականին գեղեցիկ էր: Սարի միւս երեսին բազմակերպութիւն էր տիրում: Անատոից աջ՝ փոքրիկ լճակ էր նկատւում, ձախ՝ մարդագետինը, հտեր կանաչազարդ հարթութիւնը, իսկ առաջը՝ լեռնադաշտ: Շուրջս բաւականին դիտելուց յետոյ՝ վերադառնալ որսորդներին մօտ: Սրանք իրենց գործը բաւականին յաջող կատարել, վերջացրել էին: Նախ կարգի բերին իրենց, ապա՝ մաքրեցին հրացան-

ները, ուսերից կախեցին, և սկսեցին որսը գօտկատեղերից կախել: Ես դիտում էի խեղճ թռչուններին ու մտածում.

— Խեղճեր, միայն ձեզ էի նախանձում, համարում ամենա ազատը, բայց մարդու շար ձեռքը ձեզ ևս զոհում է իր քմահաճոյքներին... Օ՛, մարդ արարած, ինչե՛ր չես անում... Այս մտքերիս մէջ խորասուզուած՝ մի սպանուած կաքաւ ընկաւ աչքիս, որի սպիտակ կուրծքն արիւնով էր ներկուտ: Աչքերս արցունքներով, լըցուեցին շրթունքներս մրմնջացին...

— Անխիղճներ,

— Ի՞նչ է պատահել, — հարցրեց եղբայրս և երևի թէ աչքերիս խոնաւութիւնը նկատլով աւելացրեց.

— Այդպէս են կանացի ջղերը ..

— Գուրգէնը, որ մինչ այդ լուռ էր, հակառակեց.

— Ոչ, կանացի սրտերն իրօք քնքուշ և զգայուն են, քան մերը:

Խաւարն արդէն կամաց-կամաց պատում էր մեզ, ետ դարձանք: Հեռուից մերթ նկատվում և մերթ կորչում էին գիւղի ճըրագները և մէկ-մէկ լավում էր շների հաջոցը: Այդ գիշեր, ընթրիքից յետոյ՝ ես և Գուրգէնը բաւականին խօսեցինք և ծիծաղեցինք: Կարծես նա այլ ևս այն Գուրգէնը չէր: Շուտով խորին լուռութիւն տիրեց սենեակում, բոլորը քնած էին: Միայն ես քնել չէի կարողանում. նա խլել էր իմ հանգիստը —

Այստեղ Լուսիկն ընգհատեց իր պատմութիւնը.

Պարտիզում խորին լուռութիւն էր տիրում:

— Ամառանոցային կեանքն իր վախճանին էր մօտենում, — կրկին լսուեց Լուսիկի ձայնը. — Նրանց հեռանալուն մի քանի օր էր մնում: — Արդէն բաւականին մօտեցել էի Գուրգէնին, ծանօթացել էի նրա գաղսփարներին, ձգտումներին: Երեկոյ էր: Նրանք պատրաստուեցին գետափ գնալու, իսկ ես վերցրի գիրքս և եկայ պարտէզ: Բաւականին ընդկղձուել էի ընթերցման մէջ, երբ ոտքերի ձայն լսեցի: Մերօնք էին: Գնում էին գետափ: —

— Այդ ի՞նչ էք կարդում, օրինորդ, յանկարծ լսուեց Գուրգէնի ձայնը, և երբ իմացաւ, որ կարդացածս Նար-Դոսի «Մահը»-ն է, աւելացրեց.

— Կարդացէք, բաւականին հետաքրքիր է թէ գաղսփարներով և թէ տիպերով...

— Եղբայրս տեսնելով մեր երկուսիս ոգևորուելը՝ դարձաւ ընկերին.

— Դէհ գնանք, բայց եթէ աւելի մեծ ցանկութիւն ունիս խօսելու, խնդրեմ, մանաւանդ որ շուտով հեռանալու ենք... Արդեօք Գուրգէնը աչքերումս կարդաց ցանկութիւնս, չգիտեմ, միայն դիմեց ինձ և ասաց.

— Եթէ միայն օր, Լուսիկը ցանկութիւն ունի խօսակցելու, կը մնամ:

— Եղբայրս սենակ գնաց: Տիրեց մի շատ անհամ լուռութիւն: Զգիտէինք որտեղից սկսել:

— Հետաքրքիր է, որ տիպն է գրաւում Չեզ—Գուրգէնը առաջինն ընդհատեց լռութիւնը:

— Աշխէնը, — պատասխանեցի ես:

— Աշխէնը իրօք հետաքրքրական տիպ է, բայց կուզէիք նմանուել նրան:

Հարցը անսպասելի էր, ուստի նախ՝ մի փոքր շփոթուեցի, ապա՝ հաւաքելով ինձ՝ ասացի.

— Այո, և ոչ միայն կուզէի, այլ և փափագում եմ, եթէ միայն .. Բայց աւելի լաւ է ասացէք ինձ — Չեզ որ տիպն է դիւր գալիս և որին կուզէիք նմանուել: —

— Այժմ շփոթուելու հերթը նրանն էր: Բայց հարցիս անմիջապէս հետեւեց պատասխանը (կարծես նախապատրաստուած էր):

— Հաւանում եմ Աշխէնին և ձգտում նմանուել Արմենակին:

— Ես բաւականին շիկնել էի և մի ինչ-որ ներքին վրդովմունքի մէջ էի:

— Իսկ դձուք օր. Լուսիկ, կուզէիք լինել Աշխէն, եթէ միայն...

— Այո, կուզէի լինել Աշխէն, եթէ միայն դիմացինս լինի Արմենակ — վճռական, բայց մի փոքր յուզուած ձայնով ասացի ես: Նա լուռ էր: Կապոյտ անհունից, հեռու ափերից լուսինը հետաքրքրուած առաջ էր լողում տեսնելու և լսելու մեզ: Կաթնագոյն լուսով ողողուած գանգուրների տակ՝ նկատեցի խօսակցիս հայեացքը, որ սովորական մեղմ թախիծի հետ մի ինչ որ քնքշանքով էր լցուած: պարզ լսվում էր մեր սրտերի բարախումը: Յանկարծ նա շփեց ձեռքերը (կարծես ուզում էր աւելորդ մտքերն այնտեղից վանել), ոտքի կանգնեց (ըստ սովորականին ես արդէն կանգնած էի) և ձեռքն ինձ մեկնելով՝ մեղմ շշուկով ասաց.

— Լուսիկ, դու ձգտիր լինել Աշխէն, իսկ ես Արմենակ:

— Ես սղմեցի նրա ձեռքը: Մենք երջանիկ էինք: Լուսինը կարծես գոհացած՝ օրօր-շօրօրով շարունակեց առաջ լողալ: Լռութիւն տիրեց: Մի քանի օր անց՝ նրանք հեռացան այստեղից. Լուսիկուց նամակագրութիւն: Նախ ընկերական, ապա սպասած բնօրթը ստացաւ: Վերջին շրջանի նամակներում՝ մեր ապագայ գործունէութեան ծրագիրն էինք կազմում. նա մի ամիս առաջ գնալու էր փաստաբանական դիպլոմով: Մտադիր էին գործել գիւղում կամ գաւառում, նա՝ որպէս կաշառակէր, օրինազանց վաշխառուների ձեռքին տառապող անձար գիւղացիների պաշտպան, իսկ ես՝ տգիտութեան, խաւարի դէմ մաքառող վարժուհի: Ա՛խ, որքան վսեմ, իդիալական էին մեր ծրագիրները...

— Ինչո՞ւ էին և ոչ թէ են, — մտածեցի ես:

— Մարդս ենթադրում է, Աստուած կարգադրում, — շարունակեց Լուսիկը: — Հէնց այսօր մի նամակ ստացայ: — Նրա հայեացքը կրկին թախիծով պատեց: — Նախկին ծրագիրներս յեաւաճուեցին

եթէ միայն կարելի է այսպէս ասել) և նրանց տեղ առաջացաւ
նորը — Գուրգէնը և եղբայրս կամաւոր են գնում... Տիրեց լուս-

թիւն: — Իսկ ի՞նչ կանէր Աշխէնը, — յանկարծ դիմեց ինձ Լուսիկը:


— Աշխէնը, չգիտեմ, սակայն հնթադրում եմ:

— Գթութեան քոյր, — հարցրի ես: — Այո, հէնց այդպէս, սի-
րելիս, հէնց այսօր վճռեցի, և ես գնում եմ գթութեան քոյր լի-
նելու: Ես ուստն եմ ծառի և գնում եմ պարտքս կատարելու, իսկ
այժմ, սիրելիս, գնանք և մերոնց մի փոքր նախապատրաստենք.
յանկարծակի բերելը լաւ չէ:

Այժմ ինձ համար պարզ էր, թէ Լուսիկն այսօր ի՞նչու չէր
եկել ինձ մօտ:

Հետևեալ օրը Լուսիկի հետ գնացինք կայարան եղբօրս և
Գուրգէնին դիմաւորելու. իսկ երեք օր անց նրանց ճանապարհ
դրի: Նրանք ուստն էին ծառի և գնացին իրենց պարտքը կատա-
րելու: Այո, նրանք երջանիկ էին:

ՆԷ



*
* *
*

Քամի, քամի, սաւարնող
Եկ ընկեր ինձ մշտապէս
Դուն էլ ունիս նոյն ճնշող
Ցաւը կրծքում քո անտես:
Դուն էլ, ինձ պէս, փախչում ես
Այս սև գծուծ աշխարհից
Ինձ պէս, կուրծքդ բացում ես
Ծովերի դէմ, փրփրալից:
Քամի, քամի, քո գրկում
Տար ինձ հեռու մարդկանցից
Այնտեղ, ուր միայն ես ու դուն
Թռչինք, երգենք ցնծալից:

Զան-Դիր.



ԳԱՂԹԱԿԱՆ ՈՒՆՈՒՆ

Մի՛ լար. քոյրիկ, առա՛ջ անցիր
Ճամբեն երկա՛ր է, անվերջ.
Առա՛ջ անցիր, մի՛ վհասուիր,
Յոյսդ լինի միշտ անշէջ:

Հայի ճամբէն միշտ փշոտ է,
Մշուշապատ ու խաւար,
Բայց հոգ չէ մեզ—ահա մօտ է
Հոյսը պայծառ, փրկարար:

Տանջուած քոյրիկ, առա՛ջ անցիր,
Անցի՛ր անհոգ ու հպարտ,
Ճամբեդ փշոտ-դու պլացիր
Որպէս արծիւ վեհ-ամալարտ:

Նայի՛ր՝ ներքեւ արիւն-ծով է,
Դիակները անհամար
Նրանց շունչը պիտ քեզ տանէ
Դէպ նոր աշխարհ ոսկեվառ:

Առա՛ջ, քոյրիկ, տես արեւը
Շողշողում է կենսալից.
Արդէն մօտ է մեր պարզելը—
Նոր արշալոյս խնդալից:

Էմիլիա Նազարեանց

Թիֆլիզ



8247
7438

ՄԵԾ ՃԱՆՓԻՆ

Ո՛հ, ինչ երկար է այս Մեծ ճանփին—երկար ու տատասկոտ, բայց բաղցր ու գրաւիչ...

Եւ ես գնում եմ երկար ու ոլորապտոյտ այս ճանփէն հեիհե միշտ առաջ, միշտ դէպի վեր...

Եւ երկար քայլելուց յոգնած, ուժասպառ նստում եմ կէս ճանփին ու նայում հեռուն...

Շուրջս ամեն ինչ անյայտ դալուկ, հոգուս պէս լուռ ու մունջ, ասես ունկդրում լինին մշուշապատ յուշերիս համրընթաց շարաններին...

Եւ մէկիկ-մէկիկ յիշողութեանս մէջ կենդանանում են անջքան հերոս դէմքեր իրենց մեծ ու տիտան իդիալներով, իրենց հսկայ երազներով, և որոնք սակայն այսօր այլ ևս հեռու են երազ կոչուելուց:

Քանի—քանիսներն են անցել այդ դէմքերից՝ ամայի, փշերով լեփ-լեցուն այս ճանփէն՝ հեիհե, քլրթնաթոր՝ ձգտելով հասնելու այն անյայտ հեռուն, ուսկից ազօտ մի կայծ անյայտ ձրգում էր դէպի իրեն բոլոր ըմբոստ հոգիներին...

Անցել են շատ շատերը, վառվռուն երազներով ու վարդագոյն տենչերով, ձգտել հասնելու հեռուն առկայծող այն լոյսին, և սակայն ընկել պայքառի կէս ճանփին՝ մուրազը սրտներին, երգը շրթունքներին, խոր հոգոց հանելով... Եւ ընկածների անթիւ դիակներից ձորերը լեցուան, փոսերը բարձրացան ու նրանց սուրբ արեան աննդհատ ցողումից տատասկոտ ճանփին անուշ բուրմունքով վարդեր բացուեցան:

Ու այս Մեծ ճանփի վերելքին ընկած հերոսների սուրբ ոսկորներից՝ կառուցուեց կամուրջն այն հսկայ, որով անցնում եմ այժմ հանգիստ ու անվրդով և դիմում մոլեգին հեռու հորիզոնում բոցավարուող կաս կարմիր ոսկէ Արշալոյսին...

Սար ու ձոր, ծառ ու ծաղիկ, աղբիւր ու առուակ, թռչուն ու թիթեռ, շնչաւոր անշունչ—ամեն առարկայ, ամեն արարած ալ-կարմիր են հագել, բարձր երկնակամարում շառագունած վառ արշալոյսի ոսկի շողերից...

Դա իմ նահատակ ազգի վեհ Արշալոյսն է... Վեցդարեան գերութիւնից ու ստրուկութիւնից ազատագրուող Հայի Սուրբ Արշալոյսը...

Այլ ևս չկայ կաշկանդող սև խաւարը նա չքացաւ անյայտութեան աշխարհում, տեղի տալով վեհ Արշալոյսին...

Եւ մենք մօտ ենք նրան, շատ մօտ...



01
* * *

Հոգուս մէջ բազիններ
Կառուցի քեզ համար.
Եւ ախուր գիշերներ
Պանծուցի տենչաւան!:

Ու սիրտս ոսկեղէն
Դարձրի հուր-մոխիր,
Փռեցի քո ուղուն
Եւ ասի.— «Եկ անցիր»!:

Գիշերին տանջանքի
Անկողնիդ մօտ չոքած,
Ես՝ կարօտ մի ողի,
Պնդրեցի յոյզ ու կայծ!:

Սակայն դու, սակայն դու
Օ՛ չնչին սիրոյ մայր.
Չեմ սիրում էլ, հեռու՛.
Չեմ ապրում քեզ համար:

Ես սիրում եմ հոգուս
Երազները բեհէզ,
Սիրում եմ կայծ ու լոյս
Եւ այն, որ չգիտես!:

Համբ. Մազմանեան.



*
* *

ՄՏԱՆԻՍԼԱԻ ՊԸՇԻԲԻՇԵԻՍԿՈՒՑ

Թառամած ծաղիկները բոլորում են քո ճակատը, որպէս սև արևներից հիւսուած պսակ և դէմքիդ վրայ խաղում է մարած աստղերի վիշտը: Քո ոտների տակ մեռնում է կեանքիս փոթորիկը, իմ հոգու այդ հիւանդոտ ծնունդը, որ օղակ-օղակ յեղյեղուող ալիքների պէս պարուրում է քո գարշապարները և իմ մշուշապատ ճակատագրի խենթութիւնը իր մոխրագոյն թևերով պատում է քեզ, ով դու իմ օրօրան և շիրիմ... Իմ ծագման սև ու մռայլ մառախուղից բարձրացար դու որպէս խաւարամած երկինք և իմ էութեան փխրուն մարգարտակուռ խեցիով լողում ես դէպի խուլ ու հեռաւոր հորիզոնները, ով վշտաւոր, ամենքի վրայ թագաւորող գեղեցկութիւն, ով դու թախիժ:

Եւ ինչո՞ւ դու իմ դամբարանը դարձար, ինչո՞ւ քո բոցաշունչ երգերը՝ որոնցով ուրիշներին առաջնորդում ես դէպի գեղեցկի անհասանելի աշխարհը, հնչվում են իմ կրծքի տակ ագռաւների չարագուշակ կռաւոցով: Ինչո՞ւ կարմիր լապտերները, որոնցով լուսաւորում ես ուրիշների երջանկութեան ուղին, բոլորում են իմ մահիճը, որպէս թաղման սգաւոր մոմեր:

Իմ եղբայրների համար դու հնչուեցիր որպէս խօսքն Աստուծոյ, որ ոչնչից ստեղծեց արար-աշխարհը, դու նրանց համար Ադամի կողը եղար, որը ծածկում է իր մէջ այնքան սրբազան հրաշքներ, դու նրանց յաւիտենականութիւնն ու անսահման զօրութիւնը եղար, և միայն իմ գլխիս մէջ մխեցիր փշեայ պսակի սուր խայթոցները:

Ո՛վ դու վշտալի, վսեմ գեղեցկութիւն:

Ով դու թախիժ:

Եւ սակայն բաղդերը տնօրինող գրքերում գրուած է, որ իմ հոգին լցուած քո աստուածային զօրութեամբ, կը վերածնի ամբողջ աշխարհը նոր ոյժով և նոր գեղեցկութեամբ: Չէ՞ որ ես ու աշխարհը միևնոյն ծագումն ունենք:

Գրուած է, որ իմ հոգին կը լինի քո զօրութեան կուանը, և այդ կը լինի այն օղը, երբ կը լիանայ երկրի ծնունդին նոր հրապոյրներով, կ'ընդգրկի բոլոր աշխարհները, դուրս կը կորզի նրանց գաղտնիքները, և միջաստեղեան տարածութեան մէջ կը կախուի՝ որպէս արքայական ծիրանի, իսկ նրայ վրայ կը հանգչի քո վերածնութեան սրբազան մեծութիւնը:

Եւ գրուած է նաև, որ դու անձնատուր իմ հմայքին կը շողկապուես ինձ հետ իմ խօսքի օղակով, և կեանք կը տաս այն հնչիւններին, որոնք իմ ձեռքի տակից դուրս կը թռչին դէպի հայ-

րենի դաշտերի արևոտ լայնարձակ հեռուները: Եւ ոյժն ու կեանքը, որոնցով լի է գարնան յաւիտենական երկունքը, թափով կը շըրջեն իմ երակներում:

Եւ մութ սարերի թիկունքից դու պիտի ծագէիր որպէս արիւնոտ արեգակ քո նոր թագաւորութեան վրայ այլևս հրբէք մայր չմտնելու համար,—չէ՞-որ քո նոր թագաւորութեան մէջ արեգակը հրբէք մայր չի մտնում:

Իմ տանջանքների, իմ գեհենի գնով դու պէտք է վերածընուէիր նոր կեանքի համար—Նոր Աւետարանի համար:

Ես, ես գիտեմ այդ երգը:

Ես՝ քո փոթորիկների, քո յուսահատութեան, քո յաւիտենական խենթութեան ծնունդը:

Տո՛ւր ինձ այդ նոր երգը:

—Աւելի ուժգին, աւելի մօտ:

Ողողիր տիեզերքը կայծակների մոնչացող հեղեղով: Անցիր որպէս խելագար մրրիկ, որ շարտում է երկնքի երեսին աւազի լեռներ: Ճայթիր որպէս Եհովայի ամպրոպ, երբ Նա Սինայի լեռից կայծակներ էր նետում:

—Ես եմ քո տէր Աստուածը:

Ես լսում եմ արդէն այդ երգի գոռ հնչիւնները որպէս կատաղի մրրիկ իմ երակների մէջ, փոթորկվում են նրա ոյժերը, ես ձգվում, բարձրանում եմ և գլուխս հասնում է երկնքին...

Ահա ալիքների դրոհը պատում է խաւարը, ահա ազատ աստահամանութեան առաջին ցոլքերը, ահա յաւիտենականութեան շունչը, ահա...

Ի գուր ամեն ինչ կորաւ:

Ինչպէս որդ՝ դու կրծեցիր իմ արքայական գահը. կրծեցիր անյագ, մինչև որ նա ելերաց: Երեբաց իմ գլխի արքայական թապը, և կեսարների գահի հետ միասին դեռին ընկայ ես: Պատանոտուն ցնցոտիներ — ահա իմ կարմիր ծիրանին:

Մեռած արևների ցուրտ փայլի մէջ մարում է քո դէմքը... Ինչպէս նաև գլխիդ թառամած ծաղիկների պսակը:

Իմ անկարողութեան փխրուն և մարգրտակուր խեցիով, դու լողում ես դէպի մութ անհունը յաւիտենական ստուերների և յաւիտենական անզօրութեան:

Ի՛նչ՝ զարհուրելի՛. դու վսեմ գեղեցկութիւն:

Ո՛վ, դու թախի՛ծ:

Եւ ահա նայիր, այնտեղ՝ որպէս թագաւորների թագաւոր իշխում եմ ես, ես՝ քո քաւութիւնը և քո դժոխքը:

Նայիր իմ մեծութիւնը թագաւորում է տիեզերական էութեան վրայ: Ես՝—քո վերջին խօսքն եմ, այն խօսքը՝ որ գրում է ապագայի խաւարի մէջ հզօր ամենակարող ձեռքով Աստուծոյ հրկունքից ծնուած գործը—նոր Աւետարանը, բոլոր գաղտնիքները մերկացնելու սրբազան գործը:

Ես նստած այստեղ իմ գահի վրայ, մտածում եմ, թէ ինչով

կարելի է քեզ վերածնել:

--Ես տեսնում եմ քեզ:

Դու կրում ես քո գլխին հազարաւոր մերկ շանթերից հիւսւած պսակը, հազար դարերի փոթորիկը հողմահարում է քո մազերը, անհուն յուսահատութեան կսկիծն ու երջանկութեան տենչերը ահաւոր կերպով մրրկվում են քո մէջ:

Դու խենթ ոյժերի ծիածանների մէջ ես լողում, և քո կամքը այն անսունդն է, ուր նրանք փրփրում են ու ետում:

Օ, տուր ինձ այն հնչիւնը, որ կարողանար ընդգրկել քո ամբողջ ոյժը: Տուր ինձ այն ամենակարող խօսքը ստեղծագործութեան առաջին օրուայ «թող լինի»-ն, որով ես կարողանամ քեզ ամբողջապէս արտայայտել:

Տուր ինձ այն հնչիւնը և այն խօսքը, որ դուրս է շարտում մոլորակներն իրենց ընթացքից այն հնչիւնը, որ կը փռւի երկնքի մի ծայրից միւս ծայրը, որպէս հսկայական արև, որպէս ահագին բոց արևածագի հրդեհի:

Օ, տուր ինձ այդ խօսքը, այդ հնչիւնը:

Աւելի ուժգին աւելի մօտ. աւելի զարհուրելի—Հու, ո՞վ գիտէ այդ խօսքը, ո՞վ գիտէ այդ հնչիւնը:

Երուանդ Տէր-Գրիգորեան



*
* *

Ծաղկանց բոյրով,—համբոյրով

Միացանք

Ձուլուեցանք

Սէր հովտում ծաղկունքով

Քո հոգին,

Իմ հոգին,

Հիւսուեցան, կապուեցան:

Մի հէքիաթ,

Սէր հէքիաթ,

Ոսկեթև, շառ թեթև

Մեր վզով

Փարուելով

Փսիսաց կամտցուկ.—

—Սիրեցէք,

Սիրեցէք,

Ապրեցէք ծաղկունքով...

Aracs.



ՀԱՄԱՌՕՏ ԱԿՆԱՐԿ ՍԵՐԲ ԳՐԱԿԱՆՈՒԹԵԱՆ ՎՐԱՅ*

Սերբ գրականութիւնը դեռ ևս ծաղկման շրջանսւմն է գրտնում. նա ծնունդ է առել ժողովրդական պօէզիայից: Սերբ գրականութիւնը սկսեց ծաղկել այն ժամանակ, երբ Սերբ մեծ գիտնական՝ կենցաղագիր ու բանասէր Վուկ Կառաճիչը հրատարակեց իր գնահատելի աշխատանքները սերբ լեզուի ուսումնասիրութեան վերաբերեալ: Բացի դրանից նա լոյս ընծայեց սերբ ժողովրդի գրական ստեղծագործութեան հարուստ յիշատակարանների հաւաքածուն:

Այդ յիշատակարաններն. ընթերցողի առաջ բաց արին ժողովրդական պօէզիայի այնպիսի գեղեցկութիւն, լեզուի այնպիսի ոյժ, որ նրանց հրատարակմամբ Սերբիայում միանգամից բարձրացաւ ազգային ինքնագիտակցութիւնը և նրանից օգտուելու ձգտումը:

ԺԹ. դարի 40-ական թուականներին Վուկ Կառաճիչի շուրջըն էին հաւաքուել մի խումբ նշանաւոր երիտասարդներ, որոնք ոգևորուած էին հայրենասիրութեան վառ զգացումով և ամբողջովին նուիրուած գրականութեան վերածնման գաղափարին: Եւ իսկապէս կարելի է ասել, որ Վուկ Ստեֆանովիչ Կառաճիչից է սկսուում Սերբ նոր գրականութեան վերածնութիւնն ու ծաղկումը:

Սերբ գրականութիւնը կամաց-կամաց սկսում է ազատուել սանտիմենտալ ուղղութեան նմանողութիւնից:

Մինչև Վուկ Կառաճիչը սերբիայի ինտելլիգէնտ դասը իր մայրենի լեզուին չէր վերաբերում այնպէս՝ ինչպէս պէտք էր, իսկ հեղինակներն էլ գտնուում էին իտալական պօէզիայի ազդեցութեան տակ: Իտալական պօէզիայի ազդեցութիւնն Սերբիա էր մտել Խոովատիայի միջոցով և իր գեղեցկութեամբ գրաւել թէ՛ սերբ ընթերցողներին և թէ՛ գրականագէտներին:

Այս օտարերկրեայ գեղեցկութեան փոխարէն Վուկ Կառաճիչը հիմք դրեց իր հայրենի պօէզիայի գեղեցկութեանը: Վուկի ժամանակակից նշանաւոր սերբ գեղարուեստագէտները չը կարողացան անտարբեր մնալ դէպի այդ գեղեցիկ, հիանալի պօէզիան. «գրաւեց ինձ ժողովրդական ստեղծագործութեան իմաստութիւնն ու գեղեցկութիւնը, —ասում է այն ժամանակուայ սերբ գրականագէտներից Ստեֆան Լիւբիչը, —ես ծանօթացայ մասամբ Վուկի հրատարակած ժոխովածուից, մասամբ էլ ինքս հաւաքեցի ու գրի առայ ժողովրդական երգերն ու հէքեաթները. ես այն օրից սիրեցի իմ մայրենի լեզուն այնպէս, ինչպէս առաջ ատում էի»:

ԺԹ. դարի 40-ական և 50-ական թուականների սերբ գրա-

*Օգտուել եմ Ուսովի յօդուածից:

կանութիւնը վիպական բնաւորութիւն էր կրում: Այդ ուղղութեան ամենալաւ լիրիկ-պօէտներն էին Բրանկո Ռոտիչեվիչը եւ Մ'ելկօշը, իսկ յետագայում նշանաւոր դարձաւ Զմայը:

Բրանկո Ռոտիչեվիչի նշանաւոր գրուածքն է „Дьячка растанакъ“ (Раставанье товарищей): Այդ պօէմայում կարելի է տեսնել այն ժամանակուայ երիտասարդութեան հոգեկան ցանկութիւններն, որ գեղեցիկ կերպով նկարագրուած էր գիւղական կեանքի պատկերներով: Բրանկոյի լեզուն շատ հիանալի է. նա նման է «մաքուր արցունքի կաթիլին» Բրանկոյի միւս գրուածքը — „Туть“-ը մի սատիրա էր այն ժամանակուայ թէ սերբ գրականութեան, թէ Բէլգրատի հասարակութեան և թէ վանքերի հասցէին ուղղուած: Մ'ելկոշի կլասիկ գրուածքն է „Горный Вьенацъ“. այս գրուածքի վրայ են կրթուել ժողովրդական պօէտների մի ամբողջ սերունդ դա մաքուր սերբ լեզուով ու բանաստեղծական մեծ թափով գրուած մի պօէմա է: Նրա շօլային պատկանող պօէտների մէջ առանձնապէս ժողովրդին սիրելի էր դարձել 60 ական թուականների բանաստեղծ Զմայը, որի 70 ամեայ գործունէութեան յօբելեանը Սերբիայում մեծ շուքով տօնեցին 1899 թուին: Նրա ազգանունն է Ռոսնովիչ, սակայն յայտի է „Змај“ անունով. նոյն անունովն էր կոչւում նաև Պեշտում սերբ լեզուով 1864 թուին հրատարակուող երգիծարանական ժուռնալը:

Զմայը իր հայեացքներով ու համակրութեամբ „Омладинский либерализмъ“-ի ուղղութեանն է պատկանում, այսինքն՝ սերբ «երիտասարդութեան լիբերալիզմ» ուղղութեան: Առանձին յգևութեամբ նա իր հայեացքները պաշտպանում է „Милостивая Европа на гробу стрельяних комуниста“ բանաստեղծութեան մէջ Զմայն ու Յակշիչ ը հանդէս են գալիս 60 ական եւ 70 ական թուականների որպէս դէմոկրատ պօէտներ: Յակշիչ ը սերբ ժողովրդական պօէտների տիպիկ ներկայացուցիչն է:

Այդ պօէտներից շատերը, ինչպէս և Յակշիչ ը իրական ժողովրդի ծնունդ են: Նա սերբ գիւղացու զաւակ լինելով շատ էր սիրում իր հայրենի երկիրը և նրա հարստահարուած ժողովրդին: Նա ապրում էր անկախ ու ազատ 70-ական թուականների միջավայրում, երբ կառավարութիւնը Յակշիչի ասելով ճգնում էր ճնշել ամեն մի ազատական շարժում, ամեն մի ազատ հայեացք և վերջապէս այն ամենը՝ ինչ կարող էր նպաստել ռէակցիօն ուղղութեան տապալման: Երիտասարդ բանաստեղծի հակառակ հայացքները արտայայտում էին քաղաքական սատիրաներում, որ տպագրում էին „Србија“ (1870 թ.) օրաթերթում և „Младој Србадији“ (1871, 1872 թ. թ.) սոցիալական օրգանի մէջ, որին մասնակցում էին այն ժամանակուայ աչքի ընկնող ոյժերը՝ Կարսովելով, Յանկեվիչ, Կլիշին և ուրիշները:

Ինչպէս Հայնէն «երիտասարդ գերմանացի» ներկայացուցիչն էր, այնպէս էլ Յակշիչ ը սերբ երիտասարդութեան ձգտումների արտայայտիչն էր: Բացի սատիրաներից և բանասիրական յօդուածներից Յակշիչ ը գրել է նաև վէպեր, պատմուածքներ, այդ-

պատմութեան, վէպերի մէջ նա մեծ գեղարուեստականութեամբ նկարագրում է այն մեծ սէրը դէպի ժողովրդական մասսան ու նրա սոցիալական ճշմարտութեան որոնումները: Ամենալաւ վէպերից են „Пон Тихомир“ և „Сирота Баначанка“-ն: Մակայն նրա ամենալաւ գեղարուեստական գրուածքները կազմում են նրա լիրիկ բանաստեղծութիւնները: Այս բանաստեղծութիւնների մէջ ամենից ուժեղ և որպէս բովանդակ գրող, կռուի կոչներ էր անում իր հայրենակիցներին: Եսկիչ-ը Ջմայի հետ միասին երազում էին անկախութեան մասին, և թէ ինչպէս կարելի է սերբերկիրը միացնել և ի մի ձուլել «լեռնային գազաթներից մինչև ծովային ափերը»: Սոցիալ և նացիօնալ իդէալները միշտ հոգի էին տալիս նրա պօէզիայի համար, այնպէս որ Եսկիչին կարելի է անուանել սերբ պօէտների վերջին անկեղծ ու տաղանդաւոր բովանդակը:

Ժամանակակից սերբ գրականութիւնը 70-ական թուականներից յետոյ ընդունում է աւելի ևս ուժալ ուղղութիւն: Այդ ուղղութեամբ աշխատել են մասնաւորապէս Կարաւելովը եւ Մարկեվիչը: Նրանք իրանց կրթութիւնը ստացել էին 60-ական թուականներին Ռուսաստանում և սնուել էին Հերցէնի, Զեռնշեւսկու եւ Դոբրոլիբովի ազատամիտ գաղափարներով: Նրանք սերբ ժողովրդի ու գրականութեան մէջ մտցրին ռուս ազատամիտ շարժման գաղափարներն ու ոգին, ռուս գրականութեան մերկացուցիչ գծերը:

Չնայած որ Լիբէն Կարաւելովը ազգով Բուլգարացի էր, սակայն նա շատ մօտ էր զգում իրեն երիտասարդ սերբիային և ապրելով Բելգրատում, շատ մեծ ազդեցութիւն ունեցաւ սերբ երիտասարդութեան մտքի վրայ. նրան կարելի է անուանել սոցիալական և ուժալական վէպի հիմնադիրը:

Նա բոլորովին ոչնչացրեց սերբ գրականութեան բովանդակում ուղղութիւնը: Նա մեծ համոզմամբ կրկնում էր, որ այն ժողովուրդը, որի զգացմունքը վեր է քան բանականութիւնը, նա չի կարող յառաջադիմել: Կարաւելովը, որ շատ էր ազդուել ու տարուել այն ժամանակուայ ռուս իտէօլօգիայով, իր գրական վէճերում աշխատում էր համոզել, որ սերբ երիտասարդութիւնն ընդունի Սվէտօզուր Մարկեվիչի ծայրայեղ սոցիալ հայեացքները:

Այնուհետև սերբ գրականագէտների վրայ շատ մեծ ազդեցութիւն է ունենում ռուսաց գրականութիւնը: Սերբ լեզուով թարգմանուած են համարեա բոլոր ռուս կլասիկները. օրինակ՝ Լերմօնտովո, Պուշկինը, Տուրգենևիւ, Դոստոեւսկին, Տոլստոյն ու Գոգոլը:

Ժամանակակից ամսագրերում կարելի է յաճախ պատահել Զեխովի, Կորօլենկօյի երկերի թարգմանութեանը: Սերբերը լայն ծանօթութիւն ունին նաև Եւրոպական գրականութեան հետ:

Բացի եւրոպական և ռուս գրականութեան ազդեցութիւնից, սերբ գրականութեան վրայ շատ է ազդել նաև արևելքի՝ թիւրք-

-արարական զգայուն պօէզիան, ազդել է մասնաւորապէս սիրային և դրամատիկ գրուածքների վրայ: Պէտք է նկատել, որ սերբ գրականագէտները աշխատում են ազատուել օտար ազդէցութիւններից և ստեղծել առանձին ընդհանրապէս հոգեբանական մի շկօլա դեմօկրատիկ սկզբունքներով:

Աչքի է ընկնում նաև սերբ գրականութեան մէջ էստետիկ հոսանքը, որ ծառայում է զուտ արտաքին ցեղեցկութեանը հմայք տալուն, այդ ուղղութեան կրիտիկայի ներկայացուցիչն է Բէկովիչը, իսկ պօէզիայի ներկայացուցիչը Ն. Օխուլաւիչը:

Ռէալ պատմուածքներ ներկայումս գրում են՝ Լալո Լալարեւիչը, Ստանկովիչը, Կաչիչը, Չիպիկո Ուսկովիչը, Չորսիչը, Բուտիլաեւիչը:

Սերբիական պատմուածքները դեռ ևս նոր են, սակայն իրենց ուժով, թարմութեամբ և նացիօնալ գունաւորմամբ մեծ ուշադրութեան են արժանացել: Սերբիական պատմուածքները մեծ մասամբ կրում են ուրախութեան, թարմութեան կնիք, սակայն կան նրանց մէջ տխուր բնաւորութեամբ գրուած պատմուածքներ էլ: Սերբ հեղինակները ամենայն ճշտապահութեամբ նկարագրում են իրենց հայրենի գեղածիծաղ բնութիւնը, բարձրագագաթ լեռները, որոնք՝ ծածկուած խիտ ու անանցնելի անտառներով, դիւթում և հմայում են մարդուն: Սակայն ամեն տեղ էլ ապրում է նոյն սերբ ժողովուրդը նեղուելով ու տանջուելով տնտեսական պայմաններից ու կրթութեան բացակայութիւնից:

Բացի գիւղական կեանքը նկարագրողներից կան նաև հեղինակներ, որոնք նկարագրում են քաղաքի աղմկալից կեանքը, նրա ինտելլիգենցիային: Այդպիսի հեղինակներից նշանաւոր են՝ Սիմա Մատավուլին եւ Բոլիւլաւ Ստանկովիչը:

Ստանկովիչը որպէս իսկական ընդհանուր լեզուով, մարդկային հոգու ճիշտ անալիզով՝ հանդէս է գալիս ընթերցողի առաջ,

Պրոտիչը «գիւղական ինտելլիգենցիային» դուրս է բերում միշտ թեթև հիւմորով:

Հիւմորով է նկարագրում նաև Կօչիչը լեռնցի սերբերին: Կօչիչը իր մեծ համբաւը ստացաւ «С планине и испод планине»^{*} պատմուածքներով:

Այս պատմուածքները լի են թարմ կենսորուախութեամբ և մեծ գեղարուեստականութեամբ: Այդ պատմուածքների մէջ առանձնապէս գեղեցիկ է նկարագրուած բնութիւնը:

Եթէ Կօչիչի, Ստանկովիչի, Չորսիչի պատմուածքները լի են գիւղական կեանքի գեղարուեստական նկարագրութեամբ, իսկ Չիբիկովի պատմուածքները պարունակում են իրենց մէջ գիւղական կեանքի տարրեր: Չիբիկօն շատ նեղութիւններ է կրել կեանքի անողոր հարուածներից, դրա համար, երբ նա աւարտում է համալսարանը, թողնում է քաղաքային աղմկալից կեանքը և հեռանում իր հայրենի երկիրը, Իալմացիայի ափերը, որպէս զի

* «Планина» կոչւում է լեռնային սարահարթ:

բախտաւորութեան մասին գաղափար չունեցող ժողովրդի մօտ գտնէ իր մխիթարանին ու հանգիստը, խաբեբայութեամբ և խարտախութեամբ աչքի ընկնող քաղաքային կեանքից յետոյ: Նա միայն մի ցանկութիւն ունէր, որ էր՝ ապրել ջերմ արեգի ճառագայթների տակ, ծովի կատաղի ալիքների ձայնը լսել, լսել թէ ինչպէս կատաղի քամին ոռնում է անտառում և բնութեան գրկից նայել կեանքի վրայ, այն կեանքի, որ լի է ցաւ ու տանջանքով և անարդարութեամբ:

Նրա գրուածքները բողոք են կեանքի անիրաւութիւնների դէմ, իրականութեան մէջ տեղի ունեցած խայտառակութիւնների դէմ: Սակայն այդ գրուածքները լիքն են ջերմութեամբ, անկեղծութեամբ, քան Ստանկովիչի, Մատաւոլի, եւ Կոչիչի գրուածքները:

Առանձին տեղ է գրաւում սերբ գրականութեան մէջ Ուսկոկովիչը իր փիլիսոփայական ուղղութեամբ. նրա պատմուածքների մէջ իրականութիւնը մնում է մեկուսի, սակայն աչքի է ընկնում դէպի կեանքը ունեցած երազ-փիլիսոփայական վերաբերմունքով: Ուսկոկովիչի գրուածքները թէև զուրկ են իրականութիւնից, սակայն գեղարուեստական են:

Ռուս հասարակութիւնն աւելի շատ ծանօթ է Լուզո Լուզորովիչի, Վեսելինովիչի, եւ Կոչիչի պատմուածքներին:

Ընդհանրապէս պէտք է ասել, որ սերբ գրողները ոչ միայն նկարագրում են ժողովրդի վարքն ու բարքը, այլև նրանք թափանցում են նաև իրենց հերոսների հոգեկան բարդ աշխարհը: Նրանք բոլորն էլ իդէալիստներ ու հայրենասէրներ են:

Ամենայն իրաւամբ կարելի է ասել, որ ոչ ոք այնպէս անկեղծութեամբ չի նկարագրել սերբ հասարակ ժողովրդի կեանքը, ոչ ոք այնպէս իսկութեամբ չի հասկացել սերբ ժողովրդի հոգեբանութիւնը և վերջապէս ոչ ոք նրա ցաւերով չի տանջուել, ինչպէս սերբ խօսքի այս երիտասարդ գեղարուեստագէտները:

ՅԱՐ. ՅԱՐՈՒԹԻՒՆԵԱՆ.



ՍԱԼ-ՄԱՆ Յով. Գ Լազարեան: 1915 թ. ԹԻՖԼԻՉ.

Իւրաքանչիւր ժամանակ ունի իր պահանջները և ինտերեսները, որին բաւարարումը անհրաժեշտութիւն է ներկայանում: Գրականութիւնն էլ որպէս իրական կեանքի հայելի, նրա բազմապիսի երևոյթների գեղարուեստօրէն պատկերացման լուսահանգոյց, շարունակ ընդառաջ է գնում նորաստեղծ կեանքի երևոյթներին արձագանքելով:

Պատերազմը որպէս մեր կեանքի ամենախոշոր ազդակ, առաջ է բերել գրականութեան բոլոր ասպարէզներումն էլ իւրատեսակ բուն հետաքրքրութիւն և գրականական երևոյթների վրայ դրել իր խորը դրոշումը:

Ռուս մամուլը ամբողջովին գրեթէ համակուած է պատերազմով, նոյն երևոյթը նկատելի է նաև հայ կեանքում: Մեր գրական շուկան էլ մուտք են գործել հին և նոր պատերազմներին վերաբերուող գրուածքներ: Այդ տեսակէտից աչքի են ընկնում ժուրնալիստ Սալ-Մանի «1878 թ. Ռուս-Տաճկական պատերազմի հայազգի հերոսները» խորագիրը կրող գրքերի սերիան, նւիրած Լորիս-Մելիքեանին, Լազարեանին, Տէր-Ղուկասեանին, Շուկովնիկեանին և Ալիսազեանին, որոնց կեանքն ու կատարած քաջագործութիւններն ասպարէզ են գալիս իրենց վեհութեամբ և քաջավաստակի արիութեամբ: Իր ժամանակին խօսել եմ «Հովիտում» Լօռիս-Մելիքեանի սերիայի առաջին գրքի մասին, այժմ, երբ հընար եղաւ կարգաւ սերիայի մնացած համարները, նկատեցի, որ Սալ-Մանի կողմից մեծ սխալ է եղել, որ նա վերոյիշեալ գեներալներին մասին առանձին-առանձին գրքեր է լոյս ընծայել: Քանի որ նրանք մասնակցել են 1878 թուի Ռուս-Տաճկական պատերազմին և իրենց փառքի Դափնիները այդ պատերազմում վաստակել, այդ պատճառով էլ նրանց գործունէութեան զանազան կէտերը համախմբուած են մի ընդհանուր հանգոյցում, ուր և պատկերանում է նրանց գործունէութեան յստակութիւնը իր ամբողջ էութեամբ:

Շատ անգամ միևնոյն ճակատամարտում մի քանի հերոսների գործունէութեան միաձուլմամբ է առաջ գալիս ընդհանուր յաղթութիւնը, որ դժուար է վերագրել յատկապէս մէկին կամ միւսին:

Ուստի Սալ-Մանը շատ աւելորդ կրկնութիւններ է, անում, որով շատ հարուստ են վերոյիշեալ Սերիայի գրքերը, միևնոյն բանը կրկնելով և պատմելով սրա կամ նրա մասին միաժամանակ:

Մեր կարծիքով լաւ կլիներ, որ սերիայի չորս գրքերի նիւթը ըստ բովանդակութեան և ըստ ձևի ամփոփուած լինէր երկու գրքում, որով աւելորդաբանութիւններից զերծ կմնար: Չնայելով վերոյիշեալ պակասութեանը, գրքերը կազմուած են խնամքով,

դասաւորութիւնը և պատերազմական գործողութիւններ յաջորդականութիւնը տեղին և կանոնաւոր են, որ մեծ դիւրութուն է տալիս ընթերցողին ընթերցանութեան թելը չկորցնելու. գրուած են մաքուր, կանոնաւոր հայերէնով և կարուկ, յստակ ոճով:

Վերոյիշեալ ընդհանուր ակնարկից յետոյ մի քանի խօսք գեներալ Յ. Լազարեանի մասին, որին նւիրուած է սերիայի երկրորդ գիրքը:

Նրա կեանքի շատ ելևէջներում զարմանալիօրէն խտանում և պատկերանում է հայ ժողովրդի բնածին յատուկ որոշ գծերը, նա իւր կեանքով իբրև անհատ, թէպէտ օտար ասպարէզ՝ հանում է ունակութիւններ, որ ցեղային են և հատկանշական հային:

Դերձակի աշակերտ Յովհաննէսը անսալով իր ներքին զգացմունքներին, Ղարաբաղի այդ լիգիթը զինուորական ասպարէզ է մտնում և հասարակ զինուորի աստիճանից, շնորհիւ իր բնածին տաղանդի և ձիրքերի հասնում է գեներալ ադիւտանտութեան:

Նրա հռչակը և զինորական կարիէրան ստեղծում են Դադատանի երկարատև, յամառ կռիւներում, ուր շատ հերոսներ դրել են իրենց գլուխը, իսկ շատերն էլ բախտի ժպիտով բարձի և իշխանութեան հասել. Վերջիններից իր անմահ Լազարեանը: Եւ ոչ միայն աչքի է ընկնում իր քաջութեամբ, խիզախութեամբ, հաստատակամութեամբ և վճռականութեամբ, այլ և որպէս հմուտ կենցաղագէտ կառավարիչ, որ ցոյց տուեց Մեխտուլինի և Դարպոյի շրջանի կառավարիչ եղած ժամանակ. նա իր բնածին տաղանդով և արևելքին մօտիկ ճանչողութեամբ շատ լաւ էր հասկանում ժողովրդի աղաթները և ըստ այնմ էլ ընթացք տալիս գործերին:

Նա քաջութեամբ կռուեց Շամիլի և Հաջի Մուրադի դէմ, հնազանդեցրից նրանց Ռուսական հզօր լուծին և մեծ պատիւների արժանացաւ:

Բայց նրա գլուխ գործոցը եղաւ խիզախ յարձակմամբ Ղարսի առումը, որ մի փայլուն էջ է զինուորական տարեգրութեան մէջ, որ ժամանակին թէ Ռուս և թէ Եւրոպական մամուլի կողմից ըստ արժանոյն գնահատուեց. Ղարսի հերոսը իւր ոյժը ցոյց տուեց նաև կարինում և մեծապէս օգտակտր եղաւ Տաճկահայ ժողովրդին իւր տառապանքի օրերում. նրա ջանքերով այդ ժամանակ տեղի չունեցաւ տաճկահայերի փաղթը Ռուսների գրուած այն վայրերից որ հաշտութիւնից յետոյ պիտի թողնէին:

Ապագայում պատմութիւնը անշուշտ ըստ արժանոյն գնահատելու է այդ հերոսին:

Վերջացնելով խօսքս, յանձնարարում եմ «Արշալյս»-ի ընթերցողներին կարդալ Սալ Մանի ,1878 թ. Ռուս-տաճկական պատերազմի հալ ազգի հերոսներ՝ սերիայի բոլոր գրքերը և գաղափար կազմել նրանց կատարած մեծամեծ քաջագործութիւնների և զինուորական առաքինութիւնների մասին:

ԲՈՎԱՆԴԱԿՈՒԹԻՒՆ

Հայրենիքիս (բանաստ.)	Գազիկ Մխիթարեան
Անցեալ յուշերից (արձակ բանաստ.)	Ժայռ
Չէ չէ նա չէր (բանաստ.)	Տ. Տ.-Յարութիւնեան
Իմ աստուածուհին (արձակ բան.)	Ն. Հայկազունի
* * (բանաստ.)	Ս. Ղալաշեան
Եկուր, հոս եկուր (արձակ բան.)	Յ. Յարութիւնեան
Ինչու ետ նայեմ (բանաստ.)	Էմիլիա Նազարեանց
Աղօթող Թամարը (պօէմ)	Ս. Աղէկեան
Այստեղ թէ այնտեղ (բանաստ.)	Համբ. Մազմանեան
Ամառանոցում (պատմուածք)	Նէ
* * (բանաստ.)	Ջան-Գիր
Գաղթականուհուն	Է. Նազարեանց
Մեծ ճանփին	Վիշտունի
* * (բանաստ.)	Հ. Մազմանեան
* * (արձակ բանաստ.)	Թարգ. Ե. Տէր-Գրիգորեանի
* * (բանաստ.)	Aracs
Համառօտ ակնարկ սերբ գրականու- թեան վրայ	Յ. Յարութիւնեան
Գրախօսական Սալ-Ման Յ. Դ. Լա- զարեան	Պարոյր

Պոստ-արկղ
Յայտարարութիւններ

ՊՈՍՏ ԱՐԿՂ

- Թիֆլիզ Գուրգէն Պօղոսեանցին: Աշխատեցէք շատ կարգալ. «Երկու սիրահարներ» պատմուածքը չի տպուի:
- Բագու Աւիսին: Չեն տպուի. ուղարկեցէք նորերը:
- » Մարեանին: Չի տպուի. խորհուրդ կը տանք նախ քան դրելը ընթերցանութեամբ դրադուել:
- Նոր-Նախիջևան Յ. Յարութիւնեանին: Շնորհակալութիւն Ձեր համակրական զգացմանց արտայայտութիւնների համար:
- » Արշարունուն Չեն տպուի: Ուղարկեցէք նորերը:
- Ռոստով Դ/վ. Գագիկ Մխիթարեանին: Շարունակեցէք աշխատակցել: Յայտնեցէք Ձեր հասցէն՝ ուղարկէնք «Արշալոյս»:
- Չխարա Անտուշին: Չեն տպուի:
- Բաթում վ. Գառեանին: Չի կարդացում, պարզ գրեցէք:

Կարևոր վրիպակներ

էջ	տող	տպուած է	պէտք է լինի
3	11	վերևից արցիւնքներդ	արցունքներդ
4	11	» խորասուզվուած	խորասուզուած
4	15	» որքամ	որքան
4	4	ներքից բարձրահասակ	բարձրահասակ
5	1	» արեօք	արդեօք
6	1	վերևից աստուծունին	աստուածունին
7	2	ներքից սիրահուն	սիրուհուն
11	15	վերևից Յուլիսի	Օգոստոսի
16	12	ներքից սաւարնող	սաւանող



